



ADRODDIAD I'R CYD-BWYLLGOR
11 TACHWEDD 2020

Adroddiad gan: Arwyn Thomas, Rheolwr Gyfarwyddwr GwE

Pwnc: Adolygiad Thematig Estyn

1.0 Pwrpas yr Adroddiad

1.1 Diweddarau aelodau'r Cyd-Bwyllgor ynglŷn ag Adolygiad Thematig Estyn.

2.0 Cefndir

2.1 Gofynnwyd i Estyn gynnal adolygiad thematig o ddulliau awdurdodau lleol a chonsortia rhanbarthol o gefnogi dysgu a dysgwyr sy'n agored i niwed yn ystod cyfnod COVID-19.

2.2 Nod yr arolwg thematig hwn (Gweler Atodiad 1 – Llythyr Estyn) oedd myfyrio ar ddulliau cyfredol awdurdodau lleol, consortia rhanbarthol ac ysgolion ar gyfer addysgu a dysgu, a lles disgyblion gan ganolbwyntio ar ddau gyfnod penodol:

- Rhan 1 (Mawrth – Gorffennaf) – dysgu o bell ac ailagor ysgolion yn rhannol yng Ngorffennaf 2020
- Rhan 2 (mis Medi ymlaen) – ailagor ysgolion yn llawn o Fedi 2020

3.0 Materion i'w hystyried

3.1 Fel rhan o'r paratodau ar gyfer yr adolygiad, rhannwyd nifer o ddogfennau gydag Estyn drwy'r 'Ystafell Arolygu Rithiol (YAR)' yn seiliedig ar y themâu a ganlyn:

- Trosolwg cyffredinol
 - Canllawiau ac adnoddau
-

- Dysgu Proffesiynol
- Cyfathrebu
- Adolygu, adlewyrchu a chreu cyfeiriad

Rhannwyd y dogfennau yma hefyd i'w cynnwys ar YAR yr Awdurdodau Lleol.

3.2 Cynhaliwyd cyfres o gyfweiliadau gyda aelodau o dîm GwE ar 16 Hydref 2020 yn rhoi trosolwg o'r gwaith a wnaed rhwng mis Mawrth a'r presennol. Roedd swyddogion GwE hefyd yn rhan o gyfweiliadau yr ALL. Rhannwyd y gwaith i gyfnodau penodol:

- Cam 1: Cyn y cyfnod clo
- Cam 2: Cefnogi ysgolion ar ddechrau'r cyfnod clo
- Cam 3: Dysgu o Bell
- Cam 4: Cefnogi ysgolion i ail agor
- Cam 5: Dysgu Cyfunol
- Cam 6: Dysgu ar Garlam
- Cam 7: Cymorth cyfunol i ysgolion ac ALL

3.3 Mae Atodiad 2 yn crynhoi'r hyn a gyflwynwyd i Estyn gan amlinellu'r rhaglen waith, y prif ddeilliannau a'i effaith. Nodir sut mae'r gwasanaeth yn ei gyfanrwydd wedi ailgyfeirio sawl tro yn ystod y cyfnod hwn er mwyn bodloni anghenion yr ystod o randdeiliaid.

3.4 Ni dderbyniwyd adborth ffurfiol gan Estyn hyd yma. Bydd adroddiad cryno cenedlaethol yn cael ei chyhoeddi ym mis Rhagfyr a bydd awdurdodau lleol a chonsortia rhanbarthol yn cael adborth ysgrifenedig ar eu gwaith a fydd yn amlygu arfer effeithiol, yn ogystal ag agweddau y mae angen eu datblygu ymhellach. Bydd sylwadau ar waith y consortia rhanbarthol yn cael eu cynnwys yn llythyr pob awdurdod lleol unigol hefyd, lle bo hynny'n berthnasol. Byddwn yn diweddarau'r aelodau unwaith bydd yr adroddiad wedi ei chyhoeddi.

4.0 Argymhellion

4.1 Gofynnir i'r Cyd-bwyllgor nodi cynnwys yr adroddiad a chytuno i gynnal trafodaethau pellach yn dilyn cyhoeddi'r adroddiad.

5.0 Goblygiadau ariannol

5.1 Nid oes unrhyw oblygiadau ariannol yn codi o'r adroddiad hwn.

6.0 Effaith o ran cydraddoldeb

6.1 Nid oes unrhyw oblygiadau newydd o ran cydraddoldeb yn codi o'r adroddiad hwn.

7.0 Goblygiadau Personél

7.1 Nid oes unrhyw oblygiadau newydd o ran personél yn codi o'r adroddiad hwn.

8.0 Ymgynghori a wnaed

8.1 Ymgynghorwyd â Bwrdd Rheoli GwE.

9.0 Atodiadau

9.1 Atodiad 1 – Llythyr Estyn

9.2 Atodiad 2 –Trosolwg – Adolygiad Thematig Estyn – Hydref 2020

BARN Y SWYDDOGION STATUDOL

Swyddog Monitro:

Dim i'w ychwanegu o safbwynt priodoldeb.

Swyddog Cyllid Statudol:

Nodaf fod rhan 5.1 o'r adroddiad uchod yn cadarnhau nad oes unrhyw ymhlygiadau ariannol yn codi o'r adroddiad hwn, felly cymeraf fod y gwaith o gynnal yr adolygiad thematig yma i'w flaenoriaethu o fewn adnoddau presennol GwE.